

傅山全書

清·傅山 著 尹協理 主編

第十二冊

山西人民出版社

國家古籍整理出版專項經費資助項目

清·傅山 著 尹協理 主編

---

# 傅山全書

---

第十二冊

山西出版傳媒集團



山西人民出版社





## 第十二册 目錄

卷一百五十九 春秋人名韻(一)	一
平聲	一
支	一
十九尤	三
上聲	六
一董	六
二紙	八
三齊	八
卷一百六十 春秋人名韻(二)	五五
上聲	五五
四語	五五
五姥	五五
六解	八八
七賄	八八
卷一百六十一 春秋人名韻(三)	九五
上聲	九五

八軫.....九五

九早 十產.....一〇〇

十一銑.....一〇三

十二篠 十三巧.....一〇九

十四哥.....一一四

十五馬 十六者.....一一五

卷一百六十二 春秋人名韻（四）.....一二三

去聲.....一二三

一宋.....一二三

二寘 三霽.....一二九

四御 五暮.....一三八

六泰.....一四四

卷一百六十三 春秋人名韻（五）.....一五九

去聲.....一五九

七隊.....一五九

八震.....一六七

九翰.....一七一

十諫	一七六
十一霰	一七七
十二嘯 十三效	一八〇
十七漾	一八八
附：春秋人名韻索引	一

卷一百五十九 春秋人名韻 (一)

平聲

二支 (一)

1 厨武子魏 又曰呂錡，擘之子也。

錡 (一)

宣十二年，邲之戰，魏錡求公族，未得而怒，欲敗晉師。請致師，弗許。請使，許之。遂往，請戰而還。楚潘黨逐之，及熒澤，見六麋，射一麋以顧獻曰：「子有軍事，獸人無乃不給於鮮，敢獻於從者。」叔黨命去之。熊負羈囚知罃（知武子）。知莊子（荀首）以其族反之，厨武子御，下軍之士多從之。每射，抽矢敢，納諸武子之房。厨子怒曰：「非子之求而蒲之愛，董澤之蒲，可勝既乎？」成十六年，鄆陵之戰，呂錡夢射月，中之，退入於泥。占之，曰：「姬姓，日也。異姓，月也。必楚王也。射而中之，退入於泥，亦必死矣。」及戰，射共王中目。王召養由基，與之兩矢，使射呂錡，中項，伏弢。以一矢復命。

(一) 此篇據山西省博物院藏手稿（殘本）整理，由李勇、孫蔭亭釋文。李勇重校。

(二) 「平聲」與「二支」四字，手稿佚，為編者據名韻所加。

(三) 自「厨武子」至「上聲」「一董」之前，重校時手稿已殘缺，未校。以下相同校注，不再出「重校時」三字。



2 郤

錡

郤克之子也。郤犇之傲。郤至之驟稱其伐。郤錡之不敬。

成公十三年。春，晉侯使郤錡來乞師，將事不敬。孟獻子曰：「郤氏其亡乎！禮，身之幹也。敬，身之基也。郤子無基。且先君之嗣卿也，受命以求師，將社稷是衛，而惰，棄君命也。不亡何爲？」成十六年，鄆陵之戰，郤錡將上軍，代士燮，荀偃佐之。成十七年。十二月，晉殺其大夫郤錡、郤犇、郤至。傳：郤錡奪夷陽五田，五亦嬖於厲公。厲公將作難，胥童曰：「必先三郤，族大多怨。」公曰：「然。」郤氏聞之，錡欲攻公，曰：「雖死，君必危。」郤至曰：「待命而已」云云。壬午，胥童、夷陽五師甲八百，將攻郤氏。長魚矯請無用衆，公使清沸魋助之，〔三〕抽戈結衽，而僞訟者。三郤將謀於榭。矯以戈殺駒伯錡、苦成叔犇於其位。溫季至，曰：「逃威也！」遂趨。矯及諸其車，以戈殺之，皆尸諸朝。

3 汪

錡

哀十一年。戰於郊，公爲與其嬖僮汪錡乘，皆死，皆殯。孔子曰：「能執干戈以衛社稷，可無殤也。」

昭公廿三年。周景王有心疾，崩於榮錡氏。注：河南鞏縣有榮錡澗。

三錡，傳音魚綺反，正韻平、上兩聲俱收之。

〔二〕「沸」，手稿爲「弗」，據十三經注疏改。

十九尤(二)

4 司馬叔游 昭廿八年。晉祁勝與鄔臧通室，祁盈欲執之，訪於司馬叔游。叔游曰：「鄭書有之，『惡直醜正，實蕃有徒』。無道立矣，子懼不免。」

5 司馬彌牟 昭廿八年。魏獻子爲政，以司馬彌牟爲鄔大夫。

6 少暉叔修 昭廿九年。蔡墨曰：「少暉氏有四叔，修及熙爲玄冥。」

7 蔡昭侯 定三年。蔡昭侯爲兩佩與兩裘以如楚，獻一裘一佩於昭王。昭王服之，以享蔡侯。蔡侯亦服其一。子常欲之，弗與。三年止之。蔡人固請而獻佩於子常。蔡侯歸，及漢，執玉而沈，曰：「余所有濟漢而南者，有若大川。」

8 梁丘子猶 昭廿年。梁丘據與裔款言於公曰：「吾事鬼神豐，於先君有加矣。今君疾病，爲諸侯憂，是祝史之罪也。君盍誅於祝固、史囂以辭賓？」公說。齊侯至自田，晏子侍於遑臺。子猶馳而造焉。公曰：「唯據與我和夫。」晏子曰：「據亦同也，三焉得爲和？」昭廿六年。夏，齊侯將納公，命無受魯貨。申豐從女賈，以幣錦二兩，縛一如瑱，適齊師。謂子猶之人高齋：「能貨子猶，爲高氏後。」齋以錦示子猶，子猶欲之。受之，言於齊侯曰：「羣臣不盡力於魯君者，非不能事君也。然據有異焉。宋元公爲魯君如晉，卒於曲棘。叔孫昭子求納其君，無疾而死。不知天之棄魯耶，抑魯君有罪於鬼神，

(一) 此前手稿佚，「十九尤」三字爲編者據名韻所加。

(二) 「據」，手稿爲「遽」，據十三經注疏改。

故及此也？君若待於曲棘，使羣臣從魯君以卜焉。二若可，師有濟也。君而繼之，茲無敵矣。若其無成，君無辱焉。」齊侯從之。

定十年，夾谷之會，齊侯將享公，孔子謂梁丘據曰：「齊、魯之故，吾子何不聞焉？事既成矣，而又享之，是勤執事也。」云云。乃不果享。

9 干 犇  
昭廿一年。華氏赭丘之戰，干犇御呂封人華豹，張匄爲右。干犇請一矢，子城曰：「余言汝於君。」對曰：「不死伍乘，軍之大刑也。干刑而從子，君焉用之？子速諸。」射之，殪。

10 子稠 王  
昭廿二年。單子殺稠。注：八子皆靈、景之族，因戰而殺之。

11 泠州鳩  
昭廿一年。春，天王將鑄無射。泠州鳩曰：「王其以心疾死乎？夫樂，天子之職也。夫音，樂之輿也。而鐘，音之器也。天子省風以作樂，器以鐘之，輿以行之，小者不窕，大者不橢，則和於物。物和則嘉成，故和聲入於耳而藏於心，心億則樂。窕則不咸，橢則不容，心是以感。感實生疾。今鐘橢矣，王心弗堪，其能久乎？」

12 士景伯 彌  
士文伯匄之子也。

牟  
昭十三年。公如晉。荀吳曰：「執其卿而朝其君，有不好焉，不如辭之。」乃使士景伯辭公於河。

十四年。士景伯如楚。

〔二〕「君」字，手稿脫，據十三經注疏改。

昭廿三年。韓宣子使邾人聚其衆，將以叔孫婁與之。士彌牟謂韓宣子曰：「子弗良圖，而以叔孫與其讎，叔孫必死之。」魯亡叔孫，必亡邾。邾君亡國，將焉歸？子雖悔之，何及？所謂盟主，討違命也。若皆相執，焉用盟主？」乃弗與。使各居一館。士伯聽其辭而愬諸宣子，乃皆執之。士伯御叔孫，從者四人，過邾館以如吏。先歸邾子。士伯曰：「以芻蕘之難，從者之病，將館子於都。」

昭廿四年。士彌牟逆叔孫於箕。叔孫使梁其蹇待於門內，曰：「余左顧而歎，乃殺之。右顧而笑，乃止。」叔孫見士伯，士伯曰：「寡君以爲盟主之故，是以久子。不腆敝邑之禮，將致諸從者，使彌牟逆吾子。」叔孫受禮而歸。三月庚戌，晉侯使士景伯涖問周故，士伯立於乾祭而問於介衆。晉人乃辭王子朝，不納其使。注：介，大也。

昭廿五年。黃父之會，樂大心不輸粟，晉士伯曰：「自踐土以來，宋何役之不會，而何盟之不同？曰同恤王室，子焉得辟之？」云云。右師不敢對，受牒而退。士伯告簡子曰：「宋右師必亡。奉君命以使，而欲背盟以干盟主，無不祥大焉。」

昭卅年。六月，晉頃公卒。秋八月，葬。鄭游吉弔，且送葬。魏獻子使士景伯詰之曰：「悼公之喪，子西弔，子驕送葬。今吾子無貳，何故？」

昭卅二年。十一月己丑，士彌牟營成周，計丈數，揣高卑，度厚薄，仞溝洫，物土方，議遠邇，量事期，計徒庸，慮材用，書餼糧，以令役於諸侯，屬役賦丈，書以授帥，

〔一〕「土」字，手稿脫，據十三經注疏補。

〔二〕「焉」字，手稿脫，據十三經注疏補。

而效諸劉子。

定元年。宋仲幾不受功，士彌牟曰：「晉之從政者新，子姑受功。歸，吾視諸故府。」仲幾曰：「縱子忘之，山川鬼神其忘諸乎？」士伯怒，謂韓簡子曰：「薛徵於人，宋徵於鬼，宋罪大矣。且已無辭而抑我以神，誣我也。啓寵納侮，其此之謂矣。必以仲幾爲僂。」乃執仲幾以歸。

### 上聲

#### 一董

13 重

□楚子重，□□也。依人宋部。(二)

14 渠

閔二年。狄伐衛。渠孔御戎。子伯爲右。

15 禮

孔 閔二年。狄滅衛。狄人囚史華龍滑與禮孔，以逐衛人。二人曰：「我，太史也，實掌

其祭。不先，國不可得也。」(三)乃先之。至，則告守曰：「不可待也。」夜與國人出。

16 宰

周公 僖五年。惠王使周公召鄭伯。注：宰孔也。

(二) 此條，傅山全書初版本脫，據手稿補。

(三) 「國不可得也」五字，手稿殘缺。

九年。〔二〕王使宰孔賜齊侯胙，〔三〕曰：「天子有事於文、武，使孔賜伯舅胙。」齊侯將下拜。孔曰：「且有後命，天子使孔曰：『以伯舅耄老，加勞，賜一級，無下拜。』」

17 潘子孔 崇也。  
文十二年。夏，子孔執舒子平及宗子，遂圍巢。

18 鄭子孔 卽公子嘉也。見嘉下。又曰司徒孔不氏。

昭十六年。子產曰：「孔張，子孔之後也。」

19 士子孔 襄十九年。殺子孔。傳曰：子然、子孔，宋子之子也；士子孔，圭嬀之子也。圭嬀之班亞宋子，而相親也；士子孔亦相親也。僖之四年，子然卒。簡之元年，士子孔卒。司徒孔相子革、子良之室。子良，士子孔之子也。

20 宋 勇 哀二年。趙鞅禦子姚、子般，遇於戚之役。繁羽御趙，宋勇爲右。

21 大夫種 哀元年。吳夫差敗越於夫椒，遂入越。越子以甲楯五千保於會稽，使大夫種因吳太宰嚭以行成。

吳子將許之。伍員曰不可。

〔二〕「九年」上，傳山全書初版本衍「僖」字，據手稿刪。

〔三〕「王使」下，傳山全書初版本衍「使」字，據十三經注疏刪。

二紙 三齊(二)

22 惠公仲子 隱元年。秋七月，天王使宰咺來歸惠公仲子之賵。傳：宋武公生仲子。生而有文在其

手，曰「爲魯夫人」。故仲子歸於我。生桓公。

隱二年。十二月乙卯，夫人子氏薨。注：桓未爲君。仲子不應稱夫人。

隱五年，九月，考仲子之宮，初獻六羽。

23 元妃孟子 隱元年。惠公元妃孟子。

24 聲子 隱元年。惠公元妃孟子卒。繼室以聲子，生隱公。

二年(三)。夏，君氏卒。聲子也。不赴於諸侯，不反哭於寢，不祔於姑。故不曰薨，不

稱夫人。故不言葬，不書姓。爲公故，曰「君氏」。

25 子氏 見仲子下。

26 君氏 見聲子下。

27 武氏子 隱三年。平王崩，秋，武氏子來求賻。注：平王喪在殯，新王未得行其爵命，聽於冢

宰。稱父族又不稱使也。魯不共奉王喪，致令有求。

28 尹氏 隱五年。曲沃莊伯以鄭人、邠人伐翼，桓王使尹氏、武氏助之。

(二) 「二、三」，手稿無，編者爲統一體例所加。

(三) 「二年」，傅山全書初版本作「隱三年」，據手稿改。

29 武 氏 隱五年。曲沃莊伯以鄭人、邢人伐翼，桓王使尹氏、武氏助之。

30 陳鍼子 隱八年。鄭忽如陳逆婦媯。辛亥，以媯氏歸。甲寅，入於鄭。陳鍼子送女。先配而後祖。鍼子曰：「是不爲夫婦，誣其祖矣，何以能育？」

31 媯 氏 見陳鍼子下。

32 許百里 隱十一年。鄭伯使許大夫百里奉許叔以居許東偏。

33 鄭尹氏 隱十一年。公之爲公子也。與鄭人戰於狐壤，止焉。鄭人囚諸尹氏。賂尹氏，而禱於其主鍾巫。注：鄭大夫也。

34 寫 氏 隱十一年。羽父使弑公於寫氏。注：寫氏，魯大夫也。

35 周内史 見達下。

36 晉穆姜氏 桓二年。初，晉穆侯夫人姜氏以條之役生太子，命之曰仇云云。又見仇師下。

37 仍叔之子 桓五年。夏，天王使仍叔之子來聘。□□弱也。注：譏其童子出聘。

38 鬪伯比 子文之父也。

桓六年。楚武王侵隨，鬪伯比言於楚子曰：「吾不得志於漢東也，我則使然」云云，「少師侈，請羸師以張之。」〔三〕熊律且比曰：「季梁在，何益？」鬪伯比曰：「以爲

〔二〕「□□」殘缺二字，傅山全書初版本脫，據手稿補。

〔三〕「張之」二字，手稿已殘缺。

〔三〕「律」，傅山全書初版本誤作「率」，據手稿改。



後圖。」

桓八年。隨少師有寵。鬪伯比曰：「可矣。讎有釁，不可失也。」〔三〕秋，隨及楚平，楚子將不許。鬪伯比曰：「天去其疾矣，〔三〕隨未可克也。」乃盟而還。〔三〕春，屈瑕伐羅，鬪伯比送之。還，謂其御曰：「莫傲必敗。舉趾高，心不固矣。」〔四〕見楚子，曰：「必□□！」〔四〕

39 曹太子

桓九年。冬，曹桓公太子來朝。賓之以上卿，禮也。享曹太子。初獻，樂奏而歎。施父曰：「曹太子其有憂乎！非歎所也。」

40 熊率且比

見鬪伯比下。

41 子 臯

桓十一年。祭仲曰：「君多內寵，三公子皆君也。」注有子臯。

桓十七年。高渠彌弑昭公，而立公子臯。

桓十八年。秋，齊侯師於首止，子臯會之，高渠彌相。七月戊戌，齊人殺子臯，而輓高渠彌。

42 雍 氏

桓十一年。宋雍氏女於鄭莊公，曰雍姑，生厲公。雍氏宗有寵於宋莊公，故誘祭仲而執之。

〔二〕「不可」二字，手稿已殘缺。

〔三〕「天去其」三字，手稿已殘缺。

〔三〕「未可」以下八字，手稿已殘缺。

〔四〕自「春」以下，傅山全書初版本脫，據手稿補。